

## **PRAVILA PRIVATNOSTI OPĆINSKOG SUDA U GORAŽDU**

Cilj Pravila privatnosti Općinskog suda u Goraždu (u daljem tekstu: Sud) je da u skladu sa članom 68. Zakona o zaštiti ličnih podataka (u daljem tekstu: Zakon), svim licima čije lične podatke Sud obrađuje u okviru postupaka koje provodi, uz izuzetke propisane posebnim zakonom, pruži informacije o obradi njihovih ličnih podataka na transparentan način.

Pravila privatnosti se primjenjuju na sve lične podatke koje Sud prikuplja, upotrebljava ili na drugi način obrađuje, direktno ili putem drugih kontrolora. Prema Zakonu, dolje navedeni pojmovi imaju sljedeća značenja:

**Lični podatak** je svaki podatak koji se odnosi na fizičko lice čiji je identitet utvrđen ili se može utvrditi.

**Obrada ličnih podataka** je svaki postupak ili skup postupaka koji se obavlja na ličnim podacima ili na skupovima ličnih podataka, automatizovanim ili neautomatizovanim sredstvima kao što su prikupljanje, evidentiranje, organizacija, strukturiranje, čuvanje, prilagođavanje ili izmjena, pronalaženje, ostvarivanje uvida, upotreba, otkrivanje prenosom, širenjem ili stavljanjem na raspolaganje na drugi način, usklađivanje ili kombinovanje, ograničenje, brisanje ili uništavanje.

**Kontrolor podataka** je fizičko ili pravno lice, javni organ ili nadležni organ koji samostalno ili s drugim određuje svrhe i sredstva obrade ličnih podataka.

**Nadležni organ** je organ koji je nadležan za sprječavanje, istragu i otkrivanje krivičnih djela, gonjenje učinilaca krivičnih djela ili izvršenje krivičnih sankcija, uključujući i zaštitu i sprječavanje prijetnji javnoj sigurnosti, kao i pravna lica ako su zakonom ovlaštena za obavljanje ovih poslova kao posebna kategorija.

### **1. Podaci o kontroloru podataka**

Općinski sud u Goraždu, ulica Zaima Imamovića broj 3, 73000 Goražde  
e-mail: [opsudgor@bih.net.ba](mailto:opsudgor@bih.net.ba), tel/fax: +387 38/221-041

Službenik za zaštitu ličnih podataka  
e-mail: [szzp-gorazde@pravosudje.ba](mailto:szzp-gorazde@pravosudje.ba), tel: +387 38/221-041

### **2. Svrha i pravni osnov za obradu ličnih podataka**

Općinski sud u Goraždu u skladu sa zakonom obavlja poslove iz svoje nadležnosti za područje općina: Goražde, Pale u F BiH i Foča u F BiH.

Vaše lične podatke Sud obrađuje u skladu sa Zakonom, a na osnovu Zakona o sudovima u Federaciji Bosne i Hercegovine, izvršavajući svoje nadležnosti i ovlaštenja.

Navedene nadležnosti i ovlaštenja uključuju:

Građansko i privredno odjeljenje sudi u prvom stepenu u svim građanskim sporovima i vanparničnom postupku, sudi u prvom stepenu u svim privrednim sporovima i provodi postupak stečaja, likvidacije, vrši poslove upisa u registre pravnih lica u okviru nadležnosti suda utvrđenoj Zakonom o sudovima u Federaciji BiH, te prati i proučava sudsku praksu iz ovih oblasti.

Krivično odjeljenje sudi u prvom stepenu u skladu sa članom 27. Zakona o sudovima u Federaciji BiH i odlučuje u prvom stepenu u svim prekršajnim predmetima u skladu sa članom 27. Zakona o sudovima u Federaciji BiH, te prati i proučava sudsku praksu iz ovih oblasti.

### **3. Period čuvanja ličnih podataka**

Vaše lične podatke Sud obrađuje u periodu koji je potreban da se ispuni svrha njihove obrade. Nakon prestanka svrhe u koju su prikupljeni, vaši lični podaci više se ne koriste, ali se čuvaju u arhivi onoliko vremena koliko obavezuju zakonski propisi o arhivskoj građi.

### **4. Tehničke i organizacione mjere zaštite ličnih podataka**

Vaše lične podatke Sud obrađuje na način kojim se obezbjeđuje odgovarajuća bezbjednost i povjerljivost kao i odgovarajuća primjena principa zakonite obrade ličnih podataka te smanjenje količine ličnih podataka po principu neophodnosti.

Preduzete su fizičke, tehničke i organizacione mjere zaštite ličnih podataka, koje su propisane Planom bezbjednosti ličnih podataka. Svi zaposleni u Sudu potpisali su izjave o povjerljivosti ličnih podataka kojima pristupaju.

### **5. Koja su Vaša prava u vezi s obradom ličnih podataka?**

Vaša prava, uz izuzetke propisane posebnim zakonom, su:

- pravo na pristup svojim ličnim podacima,
- pravo na ispravku ličnih podataka,
- pravo na brisanje ličnih podataka i
- pravo na prigovor.

Za ostvarivanje svojih prava možete se obratiti Sudu pismeno ili elektronskom poštom na naznačenu adresu. Ako ste nezadovoljni postupkom Suda možete se obratiti nadležnom nadzornom organu, Agenciji za zaštitu ličnih podataka ([www.azlp.ba](http://www.azlp.ba)) ili tužbom nadležnom sudu.

### **6. Prenos ličnih podataka drugim kontrolorima podataka, prenos ličnih podataka u inostranstvo**

Vaše lične podatke Sud može dati drugim kontrolorima ukoliko je to potrebno za izvršavanje zakonom propisanih obaveza. Također, vaše podatke Sud neće prenositi drugim kontrolorima u inostranstvu, osim ukoliko takva obrada nije neophodna na osnovu zakona ili međunarodnog ugovora koji ga obavezuje.

Vaše lične podatke Sud daje pružaocima informatičko - komunikacionih usluga s kojima je zaključio ugovor i koji poštuju pravila postupanja s ličnim podacima.

## **7. Korištenje kolačića i objava sadržaja na web-stranici**

Objavljivanje sudskih odluka/presuda i informativnog sadržaja na web - stranici Suda vršit će se u skladu sa zakonima F BiH, poštujući princip transparentnosti rada sudova, uzimajući u obzir javni interes, pravo na zaštitu privatnosti i zaštitu ličnih podataka, te zaštitu interesa maloljetnika, svjedoka i oštećenog.

Na našoj službenoj internet – stranici: <https://opsud-gorazde.pravosudje.ba/> koriste se obavezni, odnosno tehnički kolačići (engl. cookies). Ti kolačići su male datoteke koje omogućavaju ispravan rad internet - stranice i ne možemo ih isključiti, te za njihovo korištenje ne trebamo vašu saglasnost. Obavezni kolačići ne pohranjuju nikakve informacije koje bi vas mogle identifikovati.

## **8. Promjene Pravila privatnosti**

Sud će redovno ažurirati Pravila privatnosti kako bi sadržavala tačne informacije. O svim izmjenama i dopunama bit ćete blagovremeno informisani u skladu sa principom transparentnosti.